

晚晴移詩匯

晚晴詩匯卷一百五十五目錄

錢應溥 六首

劉長佑 一首

趙崇慶 三首

許瑤光 二首

向光謙 四首

康曾定 三首

端木百祿 一首

莫庭芝 二首

李皋 一首

崇實 二首

錢寶廉 四首

袁保恆 八首

孫衣言 十九首

俞樾 十一首

吳可讀 五首

張盛藻 三首

楊彝珍 十七首

周星譽 五首

尹耕雲 十一首

趙樹吉 十三首

李義鈞 四首

徐光第 五首

薩大年

三首

黎學淵

二首

潘慎生

六首

賀祥麟

四首

王守毅

四首

陳世鎔

三首

董澂鏡

三首

何盛矩

一首

晚晴移詩匯卷一百五十

徐世昌

錢應溥字子密嘉興人道光己酉拔貢官至工部尙書

諡恭勤

詩話恭勤承甘泉鄉人之教溫文飾厚成豐之季乞歸侍父轉徙江表旋佐湘鄉幕章奏多出其手光緒中還直樞延爲醇賢親王所賞游陟正卿遂參大政引退還里一時朝局遷移獨無所牽掣條然以逝亦不易致也

放蜨詩和家人韻

綠蜨來何從穿花倍峭蒨伊誰折花枝起舞掠袂綠豔如
點黛螺輕如銜泥燕栩栩各知還又如客游倦不虞獨分
飛翻向箱籠眇弱翅觸四隅密網開三面逸態得昭蘇舊
侶若慰唁破鏡感重圓故劍珍百鍊文采本天生大化任

流轉料爾雙雙飛快逐東風便如何蟬翅黏無乃雀屏街
幸茲返故園時或來吟院陔蘭暢和風簾櫳好息宴分付
九張機貌爾五色綫不然伴仙蝶尋芳近郊甸太常寺有仙蝶大
勝菜花村游蜂共潛見莊生妙齊物品勿論貴賤且賦逍
遙游待補仙巖傳

海昌孫吳二甄歌

孟冬坏城致令辟古甄出土苔花剔織文若布堅於石建
元分明紀天册其旁古泉惜不存或者大錢當千亦如工
名勒聞紀年下有古錢形爲圻者毀去右方雖非手掌形積古堂外此無
敵儀徵阮氏積古堂藏天册元年甄右方有手掌形况有赤烏之甄脩盈尺先後
藏弄成合璧秦漢瓦當皆辟易我思仙人鏘名逞譎詭孫
卽收之肆諸市蒼龍門外神第立感志識緯大帝始石印

朱書喜泐銘孫繩祖武獨此爾吁嗟乎吳蜀相依如脣齒
蜀室旣毀吳何恃魏宮銅雀亦瓦解司馬耽耽久虎視天
册之際勢孤峙皓宗曷不承前軌木楨葦席堅壁壘疑城
再築張角犄金陵王氣壓九州那止揚州作天子橫江截
鎖飛將來玉石俱焚誰致此惜哉甄官得璽僅五紀江東
霸業長已矣豈如二甄逾千祀永與鹽官之城鎮海涖

高字甄

雲煙過眼百不有惟有篆刻留永久此甄斷蝕淪冰霜乃
以一字供收藏缺月隱霧光璘彬陶自何代工何人鞏如
磐石世所寶舊事或訪渤海陳海昌陳氏系出渤海舊得
銘曰正立朝築城此日井幹勤彼執藝者功無焚我儕高
端輩如磐石談通史傳籌海之圖幾曾見越山隔岸橫長巒孤城兀峙

迴狂瀾升高作賦興苦索惟以運甓忘嚴寒寒風怒號滄
海立大波欲凍老蛟泣雪光濛濛陣雲黑遙思入蔡成奇
策手撫此甄三太息寄語戎行須努力君不聞河上翱翔
刺高克

曹水農甄

昨者摩挲孫吳甄甄文完好留紀年此甄何幸得相匹所
惜款識難兼全上方剝落存日月亦如石闕之銘傳少室
少室神道石闕銘有三
月三日字而缺紀年誰欺作者曹水農勒石考成法嚴

密我思二十并廿字體別古文省多叔重說廿有六年溯
秦碑源自考工故書出三十爲卅其義同五經文字歸一

律陽月念五始誤廿宋人題名沿俗筆

亭林謂以念爲廿
始於宋開業碑題

名詳金石
文字記

此甄點畫獨無訛結體雖非隸與科字有古法

自不磨流傳幾代今乃供搜羅吁嗟乎富貴過眼如奔濤
操鋤甘處賤且勞水農將無圻者流搏埴之名千載留甄
兮甄兮匣而藏之宜鐫圭璋字曹翁銘硯同位置曹種水
丈會爲
大人銘金帶硯曰公玉帶
圖明堂匣而藏同圭璋但願三農年年大有樂租稅我
亦坐擁硯田無惡歲

甲申浴佛日偕同直出西直門至極樂寺看海棠歸

途偶成

終年局促困轅駒一出郊坰景便殊樹色迎來青欲滴波
痕漾處碧平鋪嘉招不速賓皆主妙理同參釋亦儒多謝
天公眞解事昨宵吹垢雨如酥

莫嫌冷豔已殘妝相對忘言醉一觴地以遠塵稱極樂花
能殊衆是無香似聞道左流鶯語堪笑城南走馬忙難得

蕭閒逢此日歸來緩轡已斜陽

劉長佑字子默號蔭渠新甯人道光己酉拔貢官至雲貴總督諡武慎有劉武慎公集

庚午新正初十日試筆

歸卧家園已兩年靜觀身世且倏然親人花鳥機同息
我詩篇樂自全往事都如風過水餘生猶及日中天
老來疏惰無他願贏得經畬舊業傳

趙崇慶字鐵筠太倉人道光己酉拔貢歷官貴州糧儲道有松冠堂詩鈔

再入都門有疑以謁選來者賦詩爲笑

五雲罨畫繞蓬萊旭日天門詖蕩開買馬漫從吾輩始騎
驢還似去年來舊游獨指西山樹高會重攜北海杯席帽

未離今又盡寄言關吏莫相猜

讀陸南甯枕琴山館詩感賦

笳鼓軍門日日喧凝香太守亦戎軒少陵灑淚成詩史杜
牧憂時託罪言尙憶步虛窺海水誰能鑿空說河源鄭箋
莫是無人作獨對遺編愧九原

丙辰臘八夕夢仲弟

不成歸計但飄搖歲月惟應病榻消夢裏弟兄餘半面天
涯風雪是今宵死生隔絕一官誤涕淚縱橫萬里遙尙擬
手營除夕莫願君同醉蜀城燒

時從畢節移居蜀之敘永
酒是蜀城燒義山句也

許瑤光字雪門善化人道光己酉拔貢歷官嘉興知府
有雪門詩草

高郵道中

黃河回望白雲飛，璧社湖清秋浪微。
樹隱露祠迷過客，草連螢苑易斜暉。
一江紅葉雁初下，兩岸蘆花蝶正肥。
莫道來游春去久，繞陂煙雨尙霏霏。

八月

八月涼秋熱更乘，天心應爲桂花蒸。
香來鷺嶺蒼毛栗，熟到鴛湖沒角菱。
歸燕海村潮欲上，殘蟬江樹月初升。
魚龍雖冷雲霞豔，獨倚高樓最上層。

向光謙字梅修湖南桃源人道光己酉拔貢官宣恩知縣有秦人宅藏橐

定州觀東坡雪浪石歌

楚南少人而多石，此語吾聞諸柳侯。
我亦自是石之一，遠尋石友來定州。
定州城北衆春園，槐柳夾道綠映門。
握衣

直下石公拜安知中無蘇子魂黑白相錯石之文盛以芙蓉丈八盆惜哉無人作飛雨不見中流雪浪奔我爲若歌若起舞平泉木石在何許當時不遇蘇長公也應終古闕塵土獨恨楚石空嶙峋平生拂拭竟何人

穿石室

日月雙丸出風雷九地穿江山留漢室表裏見青天漲作神龍窟中通太乙船誰憐拳石腹曾飽五溪煙

人不得武陵周仙樵

維城

秀才消息

虎穴經時墮魚書亦未還聞從洞庭去直下秣陵關生死今誰卜妻孥涕共潛招魂餘舊雨日日唱刀環

九日偕王謝兩生渡江登綠蘿山

迢遞羣山湧綠蘿參差艤影掠江波攜來謝朓驚人句聽

徹王郎斫地歌歲晚野風吹鬢髮秋高落木見關河茱萸
繫臂渾閒事避亂無方奈爾何

康曾定字少侯號麥生興縣人道光己酉拔貢河南候

補知縣

詩話麥生以詩古文名家久居李子和尙
書幕府數權大縣有政聲遺集無聞惜哉

渡淮水至翰東作

擊楫渡淮水晴波漾綠蘋估帆低落日津鼓急行人地僻
承凋劫時艱賴拊循近來風俗改牛犢滿村屯

信陽賢隱寺

出郭不數里遠聞清磬聲四圍山匝杳一徑石空鏗寺古
凋牆畫僧貧夏釜羹是誰充隱處應有佛知名

葵園阻雨

暑雨淹行旆芳園且駐驄幾曾來季札今日卧元龍山馬
能人語庭花帶酒容最宜窗拓處如蓋一青松

端木百祿字叔總青田人道光己酉拔貢候選直隸州
州判有石門山房詩鈔

舟泊石門登眺

一徑入晴翠孤亭支暮煙林深嵐氣合峯轉澗聲圓野客
攜樽過山童掃石眠欲尋謝公蹟絕壁有飛泉

莫庭芝字芷升獨山人道光己酉拔貢官思南教授有
青田山廬詩鈔

諸羅行

萬山絡索如盤蛇長林豐草森相遮胎生卵育不知幾千
年梟獍爭呀呀祝明克濟總荒忽漫溯譜系甯非誇自從

部曲通漢家曰羅曰鹵聲磔牙前朝賜姓豈無意要使斂
跡安鋤杷如何累世費征討竹兵皴脆徒喧嘩靄翠奢香
繼宣慰貴榮邦彥終擒拏逆節當身就誅絕順命歷代猶
恣嗟嗚呼殷鑑夫豈遐恃險憑陵真計差九驛頻年蔓殺
氣腥風撲鼻尸如麻紛紛攘臂競當轍輪下誰憐嗟怒蛙
渭水西偏接烏撒樹經斬伐初萌芽蠻酋若有動搖意狡
兔入窟休離置嗚呼顛覆多前車漢郡山川何陋邪

亭子

幽蹊曲轉上層臺亭子憑高四壁開度嶺晴雲當檻落隔
江春樹冒城來乾坤納納閒舒眼風日蘇蘇數舉杯安得
草堂容懶慢不辭蓬鬢客中推

李臯字子銘沔陽人道光己酉拔貢有子銘先生遺集

亂後返里

不惜奔波苦招邀返里門
顏垣留火色委骨認刀痕
大漠風聲惡荒原日氣昏
鄰翁相對語悽惻不堪論

崇實字樸山號惕盦滿洲旗人
道光庚戌進士改庶吉士
授編修官至刑部尚書署盛京將軍
諡文勤有適齋詩集

喜地山弟歸自甘肅

既出陰平道還從塞上來
相看雜悲喜握手轉疑猜
大地秋風起邊城畫角哀
干戈方滿目努力濟時才

廣元道上

千佛巖邊景物幽飛仙嶺上
更堪游山青水綠嘉陵道處
處野花開石榴

錢寶廉字湘吟嘉善人道光庚戌進士改庶吉士授編

修官至刑部侍郎

詩話湘吟官司寇亭疑矜慎以仁恕著稱詩從容和雅猶有乾嘉諸老輩架樓曩與令子幹丞冰雪論交雲龍託契惜未嘗請讀其家集僅從轉軒續錄采摭一二由紀念羣軋有人琴之感

送鄧雙坡作郡江西

營管烽煙近若何江鄉咫尺亦干戈欲歸我竟無山買此
去詩應似水多閩思定難拋錦字官聲何必在金坡相思
歷歷猶相見遙指豐城誠太阿

送徐詠亭舅氏之官吳中

人生百寒暑能經幾離別一別動十年四十去如瞥甥舅
若舅季穉齒相蛩歷鐙屑復硯尾情境入夢咽去年京洛
來素衣淚痕溼今年向若雪荆樹駭摧折母氏鮮兄弟門

祚懼衰茶努力加餐飯無爲百憂結

平生壯懷抱少小黔南游三年滯章門兩載依并州飢來
強驅人欲見嗟無由揮手一何暫去去燕山秋挾瑟歌吳
趨仰視南雲浮江湖盛兵革枳棘愁鋤耨浮名苦相絆蹙
若駒負轍安得買青山歸卧滄江舟紫荆共環堵相與俱
白頭

沈君笠湖以農曹觀政東河同人集極樂寺爲餞卽
題其城南送別圖

海棠如錦照深杯十笏招提策馬來與子纏緜成強別爲
時珍重要清才宏農野水春無渡芒碭愁雲遠未開抔土
寸金嗟往事大隄楊柳待重栽

袁保恆字小午號筱塢項城人道光庚戌進士改庶吉

士授編修官至刑部侍郎諡文誠

詩話文誠弱冠入詞林從先德端敏公軍中夜佐草檄朝履行陣身經百戰名動九宸歷參合肥湘陰軍事筦西征饋餉及以少司農內召立朝嘗譔屢陳大計格守端敏家風光緒初晉豫人旱歲飢文誠奉詔旋豫督振以勞瘁卒詩不多作俊偉中見排惻信名臣之吐屬也

過韓侯嶺題壁

高帝眼中只兩雄
淮陰國士與重瞳
項王已死將軍在
能否無嫌到考終

驪山溫泉

荒椽短瓦日黃昏
遺恨猶歸望帝魂
不管馬嵬寒徹骨
華清池水至今溫

渡河

去入征西幕中流
擊楫歌未聞秦亂
定漸覺楚人多舊價

連城重新劓寶劍磨開誠慕諸葛刮目竟如何

山行

我非巢許流到此滌凡想青山無古今白雲自來往

自東郊移牡丹於廳事感賦

回首霓裳詠大羅春光無那醉顏酡劇憐仙骨飄零甚移
向金闈珍重多

觀奕自嘲

未肯空從壁上觀不辭心力爲君彈那知更被胸中惱從
此輸贏袖手看

感懷再疊董研樵觀察集杜祠韻

官拙長羈旅愁多轉信天救時無上策當路易爲賢未靖
三邊寇仍輸九府泉長吟惟抱膝如鏡對秦川

登六盤山絕頂

萬疊屏風帶夕曛孤峯突兀氣氤氳神仙有道無人問涇渭殊源自此分洞鶴舞殘千歲雪山花開約半天雲自慚使節頻來往宵旰何曾慰帝宸

孫衣言字劭聞一字琴西瑞安人道光庚戌進士改庶

吉士授編修歷官太僕寺卿有遜學齋詩鈔

詩話琴西庚戌延試會文正讀卷深賞之入直上書房擢侍讀屢陳兵事外在監司所至以廉能自厲不撓屢於權勢召用僕卿已逾六十遂不復出以著書自娛補輯永嘉學案編刊陳止齋葉水心二先生集平生論學宗宋儒喜述鄉先輩遺聞軼事詩嗜山谷所作有清奠之致

無錫泊舟望慧山

山色依篷窗落帆對脩嶺蜿蜒九龍山嵐霏卧幽靜樓觀樓遠椒松竹掩人境石路林間暝霞姿天外永縛屐勇難

賈登高跡誰省清泉初出山雪甌堪淪茗坐久夜波生疎鐘白雲冷

晚由月湖出大江順風抵瓜州宿

枯蘆鳴蕭蕭布帆使其半騰波渺長空激箭失近岸焦山金碧城回首猶照爛雲表妙高臺樓觀屹霄漢南徐樹若浮北固青欲斷戀奇目無留迴睇神屢眩渺焉千里輕安得凌汗漫落帆向渡頭燈火瓜洲宴

雨後

微雨窗外過庭柯出新沐檻戶依春風疏簾納餘綠氣候乘滋長生機日蔥蒨翫時適曠衷感物觸遙目我有礪中蘆南薰已芳馥白雲不出山依依在曾麓

短歌贈汪孟慈員外

喜孫

藏書十萬卷不能療朝飢仕宦二十年妻孥猶餽糜日種
梅花夜讀史世間賢者甯有此汪侯汪侯勿復愁榮華富
貴東流水

江上草堂歌

我家江上舊草堂七月八月蕪菜香秋江老翁燒楚竹生
致團臍黃抱殼竭來長安飽黃塵門外白鷗笑殺人有田
有田龍山麓春收大麥夏收菽蒼頭釀酒眞珠紅長腰晚
炊白勝玉負鋤釋手還承歡金珪無分老亦足窗前老梅
腹如槎年年盛放霜中花花開撲地啄紅玉小禽踏枝一
身綠長安禿柳黃垂絲江上青山風雨時

艾至堂

暢

北度雁門圖

雁飛不度橐駝愁青山千仞截馬頭儒衣七尺北風疾白

日欲落關山秋單于臺高陵白樓長城故鬼鳴啾啾陰山
小兒汗血馬關弓欲射南幽州武靈結怨幾千載邊頭戰
血腥鬪骸聖人飛龍起東極手挽扶桑拓西北陰方侍子
知詩書燕支婦女好顏色齊紈魯縞推小車客行飲酒餐
羊酥出門萬里不持刃三關比戶非危塗仲宣從軍自愁
思班超投筆徒區區書生來游壯士卧題詩石壁蛟龍紆

灘江行送蘇虛谷同年

收謙

還桂林兼懷龔茂田一

貞

君不見灘江江水零陵來虞山鳴玉千澗洞桂嶺青青接
繡嶺水光倒射馬王臺人家都在碧峯下萬松不動鳴如
雷君家此中結茅屋青山四時落酒杯飲酒但醉不願醒
灘江江水新潑酷何爲舍此不爲樂短衣匹馬隨塵埃塵

埃自古長安市五侯第宅連雲起知君腹中經世書少年
自欲干天子如何不見曲陽侯咫尺仍落銅龍樓鴛鴦嘶
風飽食粟驂駟日暮飢垂頭幽州十月初見雪城南草盡
北風烈沙頭送客雙玉瓶驪駒蹴冰四蹄熱灘江江水眼
中好但恐照人顏色老扁舟一去真浩然瘦馬三年卻自
憐我家忻東更千里夢魂夜逐枯溪水今君歸隨秋雁飛
到家已及春風始春風春水生菰蒲灘江江水如五湖玻
璃汨漑三百頃爲君一洗塵衣裾碧桃作花柳綿白飄然
又醉山中廬爾時不覺開口笑世間萬事徒區區靈川老
龔好詩句別來一載今何如諸君自盡故鄉樂未知亦思
故人無灘江江水雙鯉魚幾時寄我空中書

華山雲送袁翼臣歸華陰

君卧華山雲我飲甌江春千山萬山不相見一朝握手長
安塵長安塵土牛馬走落落相看意殊否君言昔居華山
巔自掃落花住五年明星玉女井手搯十丈蓮黃河一綫
雲間來走入懷抱如空煙松花釀酒酌十斗醉呼李白看
青天丹砂不就不足惜奈何墮作馬上客客居蓬蒿青沒
門可憐但遭俗眼白我亦誤落塵埃間夜夢往往居青山
金齋玉膾不知愛祇有白鷗憐人頑燕山六月火雲厚蘆
溝橋邊萬行柳下馬折柳枝上馬看君走柳枝婀娜風吹
衣千山萬山獨回首今君仍卧華山雲華山雲亦長隨君
三花玉樹行可食羣仙笙管空中聞卻看明月雲臺上記
得相思有故人

夜中過召伯湖

真色互蒼煙鳴榔去未已逝鳥沒無蹤前途尙幾里四顧
但溟濛那復辨洲泚卻望三星垂慘淡白在水客行涉江
湖性命委舟子夜深鼉鼉宮豈無波浪起篷背聞高歌和
者在花尾危腸聊暫寬中宵屢憂喜

渡江

高帆挾風色我行凌長江金焦碧相映北固遙蒼蒼蛟龍
跋怒恨燕雀去未央中流快雄覽客懷慨以慷大江限南
北終古陽侯狂英雄昔割據恃此爲保疆本朝馭炎極親
軍留勁良承平二百載萬里澄扶桑島夷昔逆命長風驅
危檣機船突淞口礮火驚維揚當關萬貔虎昔壯今何恇
將軍苦逃死斂兵搜城隍遂令藩衛撤開門納豺狼何來
萬鬼雄嘯笑鍾山陽懸軍入死地兵法非所詳安得習流

士據險扼其吭奈何事機誤重使毒餒張來時望卽走去
乃飽自颺豈必天險異或非人謀賊至今兵死血濁浪猶
元黃哀歌投江水風悲波浪浪

今昔行贈徐惇士同年

德元

憶昔與君初相見謝公亭上花如霰永嘉三月春滿地鳴
鳩乳燕皆新聲我來看花日百匝回鞭走馬如流星東山
下瞰一千尺直上絕頂吹玉笙鶯鶯驚起隔江浦片片飛
落梨花輕挂帆遂向錢塘去日日南風共征路夜深看月
嚴陵灘走上釣臺更百盤狂歌擊石弔皋羽江風颯颯吹
我寒十千買醉吳山頂杭州螻蟻聚萬井吳山山頭多白
雲下渡江水如魚鱗夜夢騎鯨掠蛟脊雙腳蹴破銀濤渾
西湖六月紅藕花扁舟逐浪隨傾斜艣聲軋軋入花裏綠

酒色變如春霞歸來滿街踏明月更逐絃管尋吳娃君也
去作集賢客我亦長安來射策春明門外復相見不惜黃
金出游劇城南花事何芬芳牡丹芍藥與海棠楊花滿地
逐馬尾十日換卻金縷黃陶然亭子高出城坐望西山生
夕陽我醉題詩在高壁淋漓淡墨時低昂坐使才名落燕
市亦有旁人笑我狂是時與君日游讌是時意氣誰不羨
逡巡金馬門天子不召見君也歸耕南山田我尙長安市
上眠夢迷不識江南路望遠愁絕薊門煙十年游倦思鄉
里扁舟依舊向滄海謝公亭前復見君醉我笑斫鯉魚尾
看花猶看昔年紅相向但憐鬢毛改乘興招我玉虹游
平湖水綠生清秋船船打鼓鬪龍尾紅妝照水鴛鴦羞我
戲掉舟入其裏小娃三五嬌回頭我笑向君復拍手相約

明朝更載酒酒閒卻復愁蹉跎十年陳迹空摩挲當筵話
舊自歷歷可惜亦如東流波流波不相待促戚空爾爲卽
今握手不爲樂別離他日徒相思況復君家山水好千峰
雁蕩秀雲表明妝玉女笑向人下映空潭何窈窕且當爲
君十日留乘風東去觀瀧湫洞庭驚黃天馬駒是時與君
同醉虛空縹緲之飛樓不知何處復有人間愁

華秋岳畫蘇子瞻夜游承天寺訪張懷民潤臣索詩
世間白日爭紅塵那識人境有清絕黃州禿翁物外游令
我喜對華岳筆西掖官居蓬島寒門前寫影萬琅玕盡日
清風無客至今宵明月與誰看

揚州

二月煙花奈客行小紅橋外雨初晴最憐明遠傷時後猶

有隋家水調聲六代山河殘雪盡早春城郭綠楊生千秋
嗚咽邗溝水入世樊川別有情

觀退朝諸公

垂楊覆御河輦路綠生波行馬鳴金勒林鴉散玉珂天垂
三殿迴人下五雲多共有蒼生慮許謨定若何

本深闡試甫出卽欲南歸詩以送行

相送巴陵客金門昨上書殘春臨驛路歸思逐江魚鄉國
干戈後文章涕淚餘只應松菊在猶足老樵漁

何子貞前輩見訪予適未下直卻柬

錦里先生來呼門癡兒走避僕僮喧能隨鷗鷺尋花竹苦
憶嘲詼接笑言萬里詩篇攜蜀棧幾人鸞鳳共清尊雞棲
騎馬歸偏晚獨對荷盤數雨痕

舟至邵伯鎮

浩浩長流日夜東，秋風落照倚孤篷。
豺狼市上餘兵在，餓菜街前百室空。
幾輩長官雄劍佩，自至淮揚所見連村子弟自刀弓。
湖西白浪天無際，還有青山待醉翁。

十六日盱眙度山趨河上橋

昨朝湖外望遠黛，一眉彎今日山邊度。
重岡百折閒修篁，紛碧綠淺水細迴環。
處處門前犢爲農，羨汝閒

辛未五月之朔，張孝達太史之洞潘伯寅侍郎集諸

名士於龍樹院爲蒹葭籜雅集圖，人各有詩南海

桂皓庭文燦兒子詒讓皆與焉。皓庭來金陵索爲

詩

高槐深柳藹風煙，勝事城南思渺然。
帝里春光猶杜曲，秦

淮明月自尊前每懷丹禁多華髮又看青雲接妙年四海
晁張同輩少詩成吟與小斜川

俞樾字蔭甫號曲園德清人道光庚戌進士改庶吉士

授編修有春在堂詩編

詩話曲園經學大師東南耆碩初登第時覆試以花落春仍在之句爲會文正所激賞擢置歷卷罷官後專力著書乃以春在名其堂所爲詩不矜格調悉由宏博之才與學獨境而發稱意爲言非尋章摘句者所可同日語也

項王墓

事去英雄此葬身千秋過者尙悲辛道旁氣壓秦皇帝帳
下情鍾虞美人已擲頭顱生贈客還留魂魄死成神彼蒼
原借驅除力便道天亡亦是眞

蒼頡墓

蒼史墳前尙有碑當年造字擅神奇六書變體隨秦漢一
畫憑空本伏羲混沌忽開天亦喜文章多禍鬼先悲要從
皇古留真意不使人間獬豸知

結繩以後費經營體製於今幾變更不識何嘗非快活好
奇未免太聰明經書燒後無真本字母傳來半梵聲我輩
雕蟲徒碌碌可憐浪費楮先生

入都門口占

蓬山回首杳無痕重對長安酒一尊兵火餘生隨處好雲
霄故友幾人存舊巢厯厯猶能記破甑區區未足論海鳥
避風聊一至漫勞屬目魯東門

翁叔平侍郎以著草五十莖寄贈云惠陵所出也敬

紀以詩

昔臣奉使至於陳得著草於陳守臣云是太昊陵下出千

年抔土猶有神

昔年陳州太守曾以伏義著草見贈

今以賓萌居吳下只共

場師藝梧櫨何圖日下故人來貽我靈著可盈把敬問此

著何處得非孔非姬其揆一地符天瑞非人爲近者新從

惠陵出先皇御宇十三年削平禍亂消戈鋌橋山弓劍闕

靈氣上爲卿雲下醴泉菌茁芝生不常有產此神著夫豈

偶古云著義取之者定卜縣長昌厥後草莽小臣無一能

捧著不問沈與升惟從天意占中興萬年有道茲其徵

余於右台仙館隙地埋所著書彙封之崇三尺立石

識之題曰書冢李黼堂方伯桓用東坡石鼓歌韻

爲作書冢歌依韻和之

我生已年月在丑至今已成六十叟人間歲月信如流金

烏飛騰玉兔走亮無上藥駐積齡空有虛名挂人口黃梁
已醒卅年前青史敢期千載後姓名聊可伴陽五學問翻
思傲歐九不栽王儉幕中蓮不折亞夫營外柳不隨市儈
逐錐刀不作枝官博升斗惟將青鐵硯爲田何必黃金印
懸肘竊從學海問源流冀爲經畚掃秕莠開卷居然自得
師閉門未覺吾無友茫茫墜緒撥秦灰歷歷方言徵楚穀
少吳氏官辨龍鳳安釐王豕發蝌蚪欲證夏鼎窺禹穴思
讀商盤問殷考妄冀驪珠自我探恥爲狗盜隨人嗾此中
淺深各有得亦如衢中置尊卣此中疑信每參半又如問
塗向矇眵只可沿洞水際湄豈能攀躋山巔嶺坐看精力
半生空竟積簡編三尺厚紛紛摹印徧蘇杭落落賞音問
誰某徒令紙價市中高見說流傳海外有雖然災禍到棗

梨或者眉壽頌栲杻世人得鼠欲嚇鳳幾輩畫虎翻成狗
我從前年賦悼亡此身嗒然如木偶歸真有室傍青山偕
老無人同白首荷鍤參軍便可埋摸金校尉何勞培右台
山下一蝸廬小有邱壑亦可取偶營書冢瘞殘橐巧借名
山代藏垢文冢姑援古人例墓田能否兒孫守螢光雪彩
聽長淪泉室夜臺期速朽爲君辛苦和蘇詩自唱輓歌非
自壽

落葉

掃盡巢痕舊燕驚滿天霜氣曉來清平添夜月三分色略
減秋霖幾陣聲蔭暘竟違平日志歸根頗動暮年情頽唐
不學飛蓬樣嬾逐長風到處行

落木蕭蕭景最佳今年游屐欠安排亂山荒徑難尋路古

樹斜陽易感懷
做帚千金聊坐擁
斷琴三尺已深埋
此生不作南柯蟻
休問榮枯到大槐

恩恩節序九秋臨
無復花陰與柳陰
寒土衣裳未裁翦
美人詩句久銷沈
驚沙滾滾流難塞
伏莽重重跡轉深
莫向亭皋頻極目
蕭條千里總傷心

秋風不設護花鈴
任撲雲亭又水亭
辟荔牆垣猶有賸
梧桐院落最先聽
爛紅乾翠都堪惜
轉綠回黃不暫停
我亦人間一蒲柳
敢同松柏鬪遐齡

杭州瓊花歌

余前請瓊花之與聚入仙二而一者也乃丁君松生以明人楊端瓊花譜見示

則瓊花九朵而聚入仙入朵區以別矣余適以杭州瓊花歌課詰經精舍諸子因走筆成此篇雖似考異郵仍是參同契耳

瓊花謂卽聚八仙斯言未定然不然譬如滿山紅躑躅謂

卽鶴林之杜鵑將以此說爲是歟西施乃只直一錢將以
此說爲非歟邢尹原不分媼妍或謂聚八仙有子瓊花無
子異在此恐亦如麻有雄雌雌者爲苴雄者臬苴則有子
臬則無是亦陰陽之定理又況物類不可知區者萌者多
參差八月桂花無一子四季桂花子滿枝芭蕉之子亦罕
見閩廣甘蔗子離離尋常穀樹皆有子獨於斑穀則無之
如以子有無爲辨世間凡卉皆堪疑又謂其葉有分別瓊
花之葉光而潔聚八仙葉微有毛此其所論殊瑣屑虎薊
貓薊等薊耳一皴一光竟何說亦猶山林之民毛地土使
然非有劣乃今得見瓊花圖繪之者傳序者盧前明監察
御史傅公
繪圖三山盧昭爲國朝周熙又重繪兩圖傳刻無模糊要
皆九朵非八朵竟與聚八仙懸殊八朵九朵既有別難云

一樣如雲茶將毋瓊花實仙種自元以後見者無陳源弄

巧已堪歎如以鶴頸來續鼻自命程嬰唐道士道士名恐大甯

其所存非趙孤作偽更有金丙瑞竟以贗鼎充昆吾瓊花

之論自此定誰言莫辨雌雄烏花下徘徊忽自笑按圖索

驥亦未肖天下之物惡能齊齊物莊周見未到自六十莖

至百莖不妨同受靈著號自十五萼至八萼不妨並入建

蘭考梳子之花固六出而入出者亦自妙桂樹之花同四

出而五出者亦不少卽如雪花本六出翦水仙人同鬪巧

至於春雪則五出玉戲天公又改造雖云八朵九朵殊難

定上中下中表虛煩討論楊鐵崖楊詩云冷然墜下一枝香九朵攢頭自如玉又

云後人恐負無雙號八仙徒費咨嗟于少保于詩云愛爾蕃釐玉一叢

換取如瓊貌考計甚明也奇花不與八仙同然忠宋鄭興裔辨瓊花一異三異苦探蕭實未見揚州舊植也

討獨於八九置不言於意云何人莫曉老夫欲爲花解嘲
前人成見毋相膠洛以流坤吐地符河以通乾出天苞洛
出九疇河八卦八數九數分其曹要在乾坤之精蘊能得
其一皆足豪古之瓊花九疇數今之瓊花八卦爻奇偶陰
陽天所定雌雄牝牡物莫逃雌者有子雄無子無分傑羽
鱗介毛一奇一偶數旣判有子無子理亦昭乾坤苞符於
此洩豈一道士權能操我讀爾雅雖未熟蟲魚草木粗紀
錄唐蒙均號女蘿類椒櫬同稱木槿屬如必屑屑與分晰
安得老圃爲我告何者鹿蔥何者萱孰爲苦蕒孰爲菊芙
蓉菡萏今同名牡丹芍藥古一族古今時異物亦異未可
故見拘碌碌空山獨坐荒榛荆忽然滿眼皆瑤瓊九老未
能共談笑八公猶幸同年庚中卽虎賁旣近似玉環飛燕

毋相輕揚州瓊花不可見見此敢謂非瓊英走筆爲作瓊花詠佳話應徧杭州城

吳可讀字柳堂號冶樵皋蘭人道光庚戌進士官御史

降吏部主事以五品例賜卹有攜雪堂集

詩話光緒己卯惠陵復土柳堂時自諫垣左投銓曹請從工次大葬甫蒞事仰藥以殉遺疏請爲穆宗立後下王大臣集議以本朝家法不立儲難之張文襄及宗室竹坡侍郎諸人皆與議別疏論列請以繼大統者卽爲穆宗子東朝綱其言詔宣示中外並獎柳堂以死建言孤忠可愍予以旌卹一時士大夫誦其遺疏羣相傾仰表所居南橫街舊宅歲時修祭遂與椒山比烈矣

除夕有感

又見新符換舊符百官此日醉屠蘇昇平歲月逢開寶戰伐河山半楚吳小劫紅羊爭頃刻浮雲蒼狗極須臾年來已分升沈定何必金錢卜菀枯

廿年浪跡逐浮萍回首觚棱夢欲醒佳節愔愔驚晚歲故
交落落已晨星送窮心事悲韓子張宴功名望狄青何處
梅花三弄笛隴頭嗚咽不堪聽

何事今宵酒不勝雲山北望記層層人歸白雪長城路馬
踏黃河兩岸冰落日寒煙秦輦道夕陽衰草漢諸陵茫茫
無限千秋恨都付西風一盞燈

彥亭節帥枉過

三邊景物報金風十里郊原獵火紅時逢秋圃紫塞草肥秋秣
馬烏桓月落夜懸弓廷傳鐵案鈔秦吏寺有浮圖識鄂公
愁絕西川舊父老干戈滿目說文翁

絕筆

回頭六十八年中往事空談愛與忠抔土已成黃帝鼎前

星預祝紫微宮相逢老輩寥寥甚到處先生好好同欲識
孤臣戀思處惠陵風雨薊門東

張盛藻字春咳又字君素枝江人道光庚戌進士歷官
御史有笠杖集

三游洞

探竒好怪入山行百尺懸巖萬古撐鑿斷雲根成石路飛
來雨點雜泉聲陰崖晝靜龍猶蟄仙洞春幽鼠不驚獨立
蒼茫尋舊蹟遠峯落日大江橫

將赴武昌舟次述懷

又逐西風事遠游煙波浩淼送輕舟行程早作歸程計今
月誰知古月愁新漲水痕因久雨微涼天氣近中秋生憎
銀漢層霄隔何處乘查問斗牛

登天姥峯

峯巒層疊起蒼翠撲人來怪石頻當路奔泉暗走雷倚松
招鶴至攜杖撥雲開清曉登天姥休將幻夢猜

楊彝珍字湘涵一字性農武陵人道光庚戌進士官兵
部主事有移芝室集

詩話移芝室詩樸質深厚藹然仁者之言薛庸菴稱
其古淡中自然高綺其平日論詩以爲古人無未闕
之塗徑待我爲之者但際遇不作指事類情必有性
情身世置於其間若取古人之詞蹈沿之於己何當
可以知其志矣

經公安

水閉孤城晝不開荒郊彌望浪成堆春深鴻雁離鄉遠日
暮竈鼉繞郭來幾處敗垣浮折葦數家殘竈剩寒灰忍看
勸客當筵女拉雜繁絃淚迸摧

道中

墟抱孤煙遠村舍薄暝遲馬危臨水路鵲定颭風枝濁酒
他鄉味殘春故國思風塵淹歲月十載負茅茨

孝感道中

雲擁春潮勢天懸晚雨聲孤煙浮市遠落照傍山明樹影
圍殘壘溪流繞故城時平無戰伐日暮尙心驚

歸家

歸眼辨鄉樹烏鵲聲先起入門強作歡務致慈懷喜褰簾
見我歸怡然笑啟齒不嗟蘇裘敝但覺萊衣美曖曖門閭
陰此生足徙倚今茲曠夙莫來日安可悔野菽有至味百
珍皆糠粃駕言尙焉求誓將斷塵軌

黃海華司馬屢促北上作此答之

徵車袞袞去如馳我似鹽車負難動三敗欲洗曹沫羞兩
則未蘇卞和痛騎驢旅食春幾經射虎短衣老可送况無
王猛捫蝨略空懷賈誼厝薪慟佩玉知難利走趨峩冠信
易遭嘲諷同里誰人作狗監居鄰有客求羊仲一生端與
藜藿親百年幸及雞豚供稍喜秔稻慶稔豐差免齏鹽嗟
屢空狼藉畫眉私自憐俦伶索棗嬌可弄花時酒熟醉莫
辭夢裏詩成醒能誦性如苦李得全真心似寒苞難破凍
行藏休就季主卜富貴早醒春夢夢君今半刺歎官閒行
剩一障爲時用幅巾容我頻往來新詩與子勤磨礪滄海
憂虞未可論名山事業知堪共他日儻結隱退廬園茅願
傍秦人洞

送郭筠仙之吉安幕兼簡陳岱雲太守

我似老牛苦旋磨春及東舉荒力作一幅烏巾常裹頭黑
丸日取齒脣沆君才本宜任世用橐筆何爲趨幕佐離亭
分手奚辭醉罌瓶幾見牆隅卧筵前深惜失詩梳強留不
得情無那雨館憑誰慰岑寂孤吟難遣羈愁破陳侯陳侯
妙爲郡得君主畫可安坐湖山千里運指掌匪獨新吟且
廣和十年鍵戶爲何事一官無負窮廬餓好風儻送謳歌
聲舉杯聊向天涯賀

寄同年蕭史樓修撰

時好日以頗科法因之弊下品置晁董上第擢鍾衛繆種
滋流傳波點競妍媚不知筆吏徒奚贊麻明治吾子策天
廷褒然首揚對標望映倫伍聲譽震儕輩縑素奔其廬翰
札馳華裔豈以斯業進當由署行義計日履台省帷展資

獻替憶昔鄉賦日瑞光照鎖試共占傑人出舉聳賀闈吏
魁甲猶尋常豈足應斯異儒碩有事業用才在天地緬彼
茶陵老流風猶未墜文章炳霄壤節概亦無愧君起嗣其
塵後先映當世匪惟光吾楚時艱賴宏濟方今國步康亦
復籌邊計犬羊意無厭深恐渝盟誓安得不世才起與正
敬器君趨供奉班賜對儻論事願更制舉法搜巖振幽滯

過李氏東園

數椽茅屋棲城曲門巷蕭蕭墜檐綠廚寒三日欲無煙時
有吟聲出叢竹南鄰華屋高入雲徵歌選舞日紛紛秋風
一夕生堂側屋角烏噓不可聞

將歸示蘇生

春雨溼蓬徑得得跬音響皎然秀骨清照座何森爽氣欲

無一世小心親几杖引我變與燭如作白日仰高觀洞古
今疑滯憑開朗月弦九見毅崇情歡夕賞歸心逼霜朔行
泛離舟槳不見六一翁惓惓徐無黨

日月驅春秋童叟易老醜有生後古人掃門甘奉帚指前
爭公襲寸美中何有好音過飄風同逐榮華朽爾來里曲
生文辭妙衆口驚翰僞鳳鳴叢謗高邱阜賢愚去匪寸念
此顏無忸何物難灰塵大道堪淹久獨立向干載須我同
志友

晤孫芝房感賦

五載風塵與君別江湖日帶瘡痕色一樽相對雜悲喜不
堪流淚說鄉國憶昔逆旅並羸馬共有心期振溝瘠一朝
君起遇際會出入光明傍日月獨我竄身向江澨頻見蛟

龍翻窟宅可憐徒手莫援救坐使原野成蕭瑟只今不待
秋井塢嗟我白骨蔽城闕縱有遺黎理荒穢復苦高田作
龜坼時苦旱君也相視匪越秦對此能無動悽惻歸朝好作
監門圖應有春風灑中澤

寄鄭子尹廣文卽次其集中宛字韻

故山巖谷帶窈窕布襪青鞋事探討不辭身世墮黃菅忍
使王風歸蔓草官如做屣不自惜局似殘碁差可了未昏
羽就叢薄宿已涼葉抱危柯槁所歎補牢計已遲方咎徒
薪謀不早動地惟聞戰鼓悲連天莫遣妖氛掃川光晃帶
人血赤野色晴連煙燧曉飄颻何地置老夫蕭疎亂髮垂
蓬葆朋舊凋亡遠書絕鄰里過從近局少一髮黔山出天
角幾回西望升林杪獨角驚傳鉅野獸再鳴喜聽岐山鳥

新詩出手已懷慚陋姿對鏡先含惱入室豈能造庖福掃
門或許儕傭保頻夢形容得彷彿猥誦清詩喜傾倒組織
諸綺散奇麗彫刻衆形炫工巧誰憐寢處傍宮牆不免鼓
鐘煩擊考累月常嗟梁肉缺秋風日送鬢絲老草中自古
來異人塞上於今求國寶休勞司業餽酒錢會見行人具
芻蕘褰裳儻共莫髯往從事無如會侯好千里何辭聘應
梁再拜聊爲策贈繞我如斥鷃翔蓬蒿性似爰居安海島
行把釣竿拂煙霧君視我頭爲誰掉

阻風洞庭登君山紀事感懷得三十八韻並寄都門

諸友

狐兔縱橫裹龍蛇戰鬪中動名諸將顯事業腐儒空橫草
功難就穿楊技未工無能誇汗馬只解悟雕蟲不免文驚

衆難辭謗集躬高冠我自異奇服指從同甘作支離叟憑
嘲潦倒翁茫茫存老眼鬱鬱抱微衷戎捲歸旗白林銷夕
燧紅芳情馳澤國繭足倦煙叢欲向水雲老將隨漁釣終
生涯憑舴艋鋒鏑避艨艟浩蕩如浮梗飄飄若斷蓬磯方
迎白馬浦早過青楓舟滯君山雨帆禁石女風杖藜尋古
寺導徑得奚童匝樹驚禽噪蹲巖異獸雄書疑藏委宛仙
擬遇崆峒爲采斑斕竹欲短摧折桐餘悽含帝子軼事說
龍公苔蘚侵殘座颺颺竄舊宮遺珠拋的礫怪石拾玲瓏
鳥影千羣集鷗波四面通微颺生拂拂落景惜恩恩憶昨
黃巾亂沿湖赤羽充岸排旌旆直渚蕪葵葭豐指授文儒
略飛騰上將功軍聲摧籜隕士氣飲醪融偉伐中興烈殊
庸常武隆擬投湘浦甲欲掛楚人弓忽漬沾巾淚徒傳刺

臂忠將星宵頓隕，蚩霧晝猶蒙。笳鼓喧江介，戈鋌接海東。
守關無虎豹，捕虜少罽熊。未見清和理，惟虞反側訐。且憂
螟害穉，兼慮莽興戎。臺閣多鴻鷺，郊原盡雁鴻。能令有環
堵，不惜杜陵窮。

健兒

野日白荒荒，原風寒悽悽。健兒將東征，阿母牽裾嗾健兒。
語阿母送我，泣血我行一。無苦骨肉恩，豈絕軍行千里。
憑留連旌竿杳杳，彌平川行舟驚散如鳧鴨。偶然落手攔
索錢得飽，還就倡樓宿。市人誰敢訶，醉眠此行良自愛。何
忍投虎口，主將千金軀亦欲尾。賊後時張虛捷報甘泉歸，
來自有印懸肘上堂再拜爲母壽。誰識當年舊屠狗。

三星低戶月，挂柳健兒卻扇擁新婦。平明跨馬出從軍，新

婦泣嘸斜倚門鄰媪語新婦鄉勿怨離別良人樹功勳炙
手勢可熱新婦殷勤謝鄰媪多君慰我我增惱不見西家
年少郎往歲荷戈向南討歸時黃金大如餅買得佳人如
玉好故人無語泣空房獨對深宵鐙燭光何如長炊屢屢
老白頭貧賤無相忘不然苦戰沙場久碧血千年猶不朽
洞房我亦甘獨守

簡求闕翁

竊聞詩以諷刺為主雅多戒誨之辭古義

瓊瑤成仕進之階梯作往來之投報浩蕩一體苦
薄俗之難回繁猥連篇爲鄙集所未有屬于戈之
欲定幸非里之克完得保餘生厥由大賜辱有甘
年之舊絕無衆人之求夫何嫌疑不形詠歎敢附
輿人之誦並寓魯女之吟用以補夫高明藉獲免
於机隄至其中忽誌哀愴有傷婉變等歌詩之不
類比行人之失詞然吉甫美韓且及諸娣奚斯誦
魯亦舉冷妻其旨雖殊於例則一匪取闕雍聊代
遣懷

云爾

一卧滄江晚修門未可同居原依枉渚人欲號徂徠養拙
全樽稌康時賴蘗梅幾年成契闊廿載荷滋培雲樹莽修
阻烟波勞溯洄憶初通縞紵辱與訂岑苔共策天街騎同
傾旅館臨新詩出游衍妙理散談詼欲使皇風暢因將賢
路恢程材由品目射策倚衡裁下駟蒙加暎凡鱗獲曝腮
頗深知己感翻啟衆人吟北面堅辭拜西清濫許陪衛雲
旋駐軫放溜遽眠梳佐膾思莼菜添薪仰檜材管難投不
律冠早挂毋追公獨留宣室朝爭仰斗魁青蒲時俯伏丹
陛日徘徊瀕洞烽塵起縱橫羽檄催道交豺虎跡澤集雁
鴻哀匍匐扶桐杖蒼黃著墨線有詞託金革灑淚事行枚
廣取才置布頻煩將轂推密謀周井竈遺策采瓶罍鎖截
千尋斷山燔半壁摧旄旗翩偃月徒旅怒燁雷江漢功歸

召元和相得裴高名動寥廓巨製勒崔嵬尙屈蕃宣寄還
資變理才長城何隱若大纛自雄哉二氣容調鼎三歸好
築臺神還逢洛浦仙竟遇天台倚檻描螺黛如臬射雉媒
綢繆成燕婉窈窕昵于鬢樓靜蕭聲渺堂空簾影開哀來
遺絲竹泣盡繼瓊瑰勿復金爲屋休將錦作堆勉匡天步
正冀挽日車頽上帝猶沈醉陽侯尙鼓災橫流杭乏葦逼
榻國嫌槐表餌非完計羈縻是禍胎慢填虛牝慾徒竭小
東財海露桑田噉春枯黍谷芟元穹防倚杵浩劫恐飛灰
碩畫憑廊廟私憂在草萊連朝瞻五老永夜望三能乍斂
山城霧方情驛路埃蓼波紅瑟瑟蘆雪白噉噉儻命安輿
至當驚揖客來形容應莫辨氣誼自無猜定與題襟會兼
斟飲至杯若教他役我仍擬鑿顏坏

季眉觀察出生輓詩索和久無以應適舟泊沅江因
次吳南屏學博題仙亭倚醉圖詩韻奉答兼寄南

屏岳州

羽人不死居仙鄉玉函多貯長生方試往求之隔瀛海渺
焉不免嗟汪洋人生百年總蛻化纍纍塚並青山昂造物
偶遺自有意莫嫌鬢雪思遮藏若令蚤暮獲聞道奚辭委
骨山之陽默數故人餘有幾年來多赴松柏岡獨我與子
經喪亂餘生尙見鬚眉蒼老去安心耽靜域閒來習靜憎
歡場聞道去年屆周甲烽煙正喜情南疆賀客填門舉壽
筵當筵盡佩茱萸囊君生辰在九月先生再拜謝祝嘏命奴置硯
迎風廊但乞吟儕作楚些侑樽聊佐松醪香差免隻雞與
斗酒他年再薦橋公觴哀吟不妨詠山鬼醉舞共許成詩

狂劫來往弔魏城墓有淚暗墮棠梨旁猶憶東風初覲面

不禁腸斷悲王昌

君悼亡詩有尙憶東風覲面初之句

賢豪作達一生死何

爲苦悼金蟬涼仙亭倚醉有勝概臨風令我懷荷塘

南屏居荷

塘差年較我一歲長

南屏長予一歲

久要白首渾難忘徑當放棹

遠相訪塔間鈴語休丁當

周星譽字响叔一字叔芸祥符籍浙江山陰人道光庚

戌進士改庶吉士授編修歷官廣東鹽運使有鷗堂

贍稟

譚復堂曰响叔少擅高名而遠想宏域詩文俊逸屬草逾年月輒削弃之涉筆清超使人意遠今惟栗香叢書刻東樞詩數十篇高接中唐次亦似明季嘉定四家之流日記二卷往往似世說新語

集寄公房次少陵宿贊公土室第二首韻

雲過溪花陰日午山鳥靜禪心澹鑪煙寫以風竹影垂曦

對清晝談味與之永松雪陶冰廚茶夢漱浥非響然祖謝
徒山志夙所秉上人抱元律氣與秋雪迴渺茲雲水區遠
意落清頰黃冠儻許乞終約遂幽屏歸舟破湖陰缺月半
銜嶺淪淪涼翠痕已蘼鷺絲頂

涓長乞予畫扇醉中走筆寫水仙靈芝

君自畫君畫我自畫我詩我肩自能攀不能效先施造詣
雖不同各抱千古思清氣孕肝膈卽物皆吾師濯我塵土
筆寫君冰雪姿娟娟採珠人蕉萃荒江湄我欲招之來貽
以雙紫芝相期宛洛間耕煙驂青螭結佩貞歲寒此意君
儻知

曉發紫荆關

曙角散邊聲重關俯杳冥雁羣低砦黑馬色接天青日馭

迴西極雲開見北庭九京松柏樹蕭颯不堪聽

雨次上渠灘

江風捲地散蠅蟲溼翠堆篷曙不分遠峽猿聲青隔雨陰
崖蛟氣白連雲一官憔悴投荒錄萬里悽涼誓墓文十口
長饑行李乏媿他豪客夜知聞時有盜警

丙子二月夜泊南鄉卽景

能樓晚飯古榕陰擁鼻篷窗效越吟月氣曉紅知晝熱江
光夜碧覺春深蒸溪霧毒蛇懸樹掠徑風香麝出林七載
瘴鄉青鬢改浮家常繫故園心

尹耕雲字瞻甫號杏農江蘇桃源人道光庚戌進士授
禮部主事歷官河南河陝汝道有心白日齋集

詩話杏農有經世才咸豐中在諫垣封章數十上論
軍事多被採納忤權貴以科場案降官後復起佐河

南戎幕願有建樹詩仇爽沈鬱類其爲人如支撐亂
後封疆易調護軍中將帥難時來將帥都論命老去
英雄只著書
皆非常語

淮樓聽雨圖爲符南樵葆森作

淮流日夜向江海淮上高樓屹然在朱甍畫棟照中原人
世幾經雲物改荆溪鬱鬱霸王略虎嘯龍吟付寥廓詩人
猛士盡奔走萬象飛揚入杯杓符子才名員半千芒屨踏
破九州煙每當風雨樓中夜上下論心五百年青山宿草
黃泉錮崢嶸百尺談經處亂後方思頗牧賢生前苦被金
張妬雨聲寂寞琴聲絕籍湜韓門有遺子休問先生講席
荒可憐弟子頭如雪黃鶴磯頭苦戰塵臨春結綺委荆榛
卽今吳楚干戈滿嗟爾長安乞食人

小集城南花之寺送朱伯韓前輩出都

三年謁選滯長安短髮蕭慘旅鬢殘老不低頭猶倔強病
忘瘡口說孤寒支撐亂後封疆易調護軍中將帥難功過
卽今將定論冰壺懷抱任人看

答王壬秋高碧湄蔡與循見貽之作

秋色三宵迴端居百感侵疏狂倚寬政仕宦損初心節物
愁中老人煙雨外深無端鄉思切莊舄正高吟

題馮林一侍講

桂芬

鄧尉山廬著書圖

天地風塵幾草廬銅坑山下閉門居時來將相都論命老
去英雄只著書吳會浮雲蒼狗後林一因均田頗
爲鄉人所謗具區秋
水白鷗初尋君便放煙波權七十二峯來釣魚

登山至大悲寺舍騎步行達龍王堂

駿足有窮處芒屨凌丹梯不知所歷高但覺天容低躩身

入無境迴首迷故蹊
遡澗蔽圓景攀巖窺
陽曦相違咫尺間
明晦殊參差落葉紛
四山樵蘇供羣黎
奈何山中僧啟闔
頗有時牧兒藉草坐
牛羊滿山陂何當息
塵駕從汝相遨嬉

翠微山房對月

松柏蔽廣椒薜蘿翳幽戶
夜氣澄沈寥煙光澹林莽
警咳偶一聲四山欲相語
默思塵世容變態亦何取
晨眉方修蛾夕步已猛虎
我拙百無營迹避鐘鼓
天高月正中星斗稀可數
屏息游太初氣象見上古
陟降儼在庭敢云不聞
覩安得終日心常如此有主

喜雪和許海秋獨游龍樹寺韻

寸抱久紆鬱及茲一疎散
物象滋悅愉吾生遠愁歎
京師

視萬方形勢喻枝幹去冬郊原赭緯未望將斷四山雲忽
同后土白己漫消息筦天人齋宮喜申旦

幽人與飛鳥出門共所向破除世網跼豁達天倪暢危樓
根青冥高空列屏障俯身視荒澤葭菼色悽愴會心匪一
惊遇物得萬狀領君絃外音寥寥契牙曠

香山寺

我聞香山老居士欲來此地爲閭人伊川中流闕對峙三
秋雲物清且新先生不歸履道宅潭月巖風數晨夕婆娑
九老會何所漠漠廚煙冷香積殘碑斷碣俱無有畫圖獨
認西崖叟

寺有湯西崖少
宰畫像石刻

西崖己不識香山我更來當百

年後關中羣盜方傳箭青袍白馬紛然徧一尊且自放高
歌十道誰知正酣戰人生會合豈有常今日露華明日霜

眼前若得放舟去此水東流經故鄉

贈周石君卽用其集中周字韻

分明火色鳶肩客不信無人識馬周
運去文章如土芥時危僕豎忽公侯
豺狼氣壓荒郊靜雁鶩聲孤大澤秋
相與一尊談往事春明回首不勝愁

許昌歲暮有懷

雨雪關河道阻躋無情清潁日東西
白頭鄉夢縈兒女赤手危疆怨鼓鞞
急事有誰歌采艾覆羹無補到吹齋
側身北望天軒輕鸞鳳於今不定棲

趙樹吉字沅青宜賓人道光庚戌進士改庶吉士授編

修厯官雲南迪西道有郁鄔山房集

詩話沅青居諫垣時數論時政彈劾驕帥頗尙風節投老邊荒意緒牢落不久告歸詩才茂美託旨深長

當時蜀中詩家推爲巨擘自有句云老病不堪金碧
使風流還媿那那詞李西樞詩名那那集時人以之
並稱也

贈高生

西江山水秀巉絕高生晚出殊奇佻少年從軍縛袴褶
若乳贊當羸駘匡廬落日揖帥府帳前動色誇雄才解鞍
三載逐計吏素衣幾日生緇埃廟堂儲英重芸館拔擢鼂
賈登鄒枚鳳池奪汝竟何意百不一試誰能猜平生讐恥
徒耿耿湛盧繡澀空牆苔心如絳蠟一寸短中有萬淚難
成灰腐儒官貧日掃軌昏昏夢墮故紙堆旁人大笑不肯
顧獨能折節無擠排園居相距三十里我不一去君頻來
論詩說劍氣旁魄駭怪僮僕藏嬰孩朝爲百篇暮千首往
往劍刻造化胎昨從西麓造深翠出入霞雪旋羸瘳眼明

梯空望南嶽春陰迷合從無階竭來告我欲東逝湖口有
田多芋魁丈夫願領不稱意力耕壠畝甯沈埋艱虞世宙
足憂患印纍綬若知誰佳高生高生願爾爲不材犧尊青
黃天所災

曾滌生師奉命督師江南

百戰孤軍在臨危用乃神諸侯皆秉鉞聖主自知人兵氣
纏吳會天威仗老臣詔書信懃懇喜極欲沾巾
痛哭祁連冢春蕪瀆淚痕長城千里壞荒郡幾家存有地
徵輸急無功將吏尊樓船早下瀕旦夕縛孫恩

答王霞舉兵部

素女彈瑤瑟絲寡絃乃悲焉知壯士懷淒若窈窕思羲和
踈北馭萬象無着姿孤芳擢冰雪榮悴理亦齊歌君寒梅

句慙焉感生遲

日出役羣動嚮晦懷孤憂心如張風帆瀕洞不可收文書
強遮眼失笑禹稷傳飢飽弗自救形瘁神亦休漆園有隱
叟洗洋恣千秋

員嶠

員嶠方壺迹已灰龍鱗曾見日華開一從白馬朝天後無
復青騾按轡回黃竹雪深瑤水遠蒼梧雲黯夜絃哀孤臣
灑涕周廬外原廟衣冠鎖綠槐

端午節前三日門人溫味秋王艾堂譚序初曹昞川
諸子招飲龍樹寺分韻得佳字

驚沙三日吹疾颿高城曠曠陰且霾城南古寺入葭莢摩
雲老榦森龍槐五年不到少人迹時見烏雀馴空階登樓

曠蕩愁遠目把酒鬱翠傷孤懷昆侖北折赴恆碣三山隱
見浮蓬萊蒼鸞白鳳竟安在珠宮貝闕餘寒灰前軒塵上
黃菴笏鐵騎遠殷空中雷似聞飢虎尙垂暝灞上練卒馳
庚牌祆氛滿地殊未已感時倦眼重摩揩自經變故廢游
讌舊朋散落江湖涯范君一別便千載山陽聞笛增心哀
岷峨靈氣況堙鬱造化作意摧邊才遜翁遷謫行且去桂
嶺已辦雙青鞵金花翠尾詎辭辱狙囊憑黠憂擠排死生
契闊迺如此靜觀兆朕疑非佳憶初釋褐尙清晏追涼蘭
若多同儕當時慘綠居末坐百罰未肯辭深杯只今壯大
氣欲盡往往獨醒如清齋冠簪欲謝幾濡忍尙念仙仗崆
峒回宣光中與果再覩荷鍤便可劉伶埋天門虎豹呼不
開長歌被酒還歸來人生早達胡爲哉吁嗟吾黨二三子

努力作誦平徐淮

次和定甫臺長病起韻

終歲羈空阜遲迴惜素心艱難通性命去住各浮沈危葉
知嚴霰荒苔戀故岑看君抱高節風雪閉門深

脫繡常辭客因病得數游丹鉛猶矻矻謗譽漫悠悠上界
足官府散仙誰侶儔似聞舐餘鼎雞犬已丹邱

藤老奇礪亞花低短竹圍冰霜催急景蘭芷變春菲搖落
關時晚孤芳與物違靜中觀化理長羨遂初衣

論史存微尙臨池愛獨居香多黏藥裹聲疾過帷車心事
江湖遠詩篇戰伐餘卻憐河上叟鞅掌久無書

上大關腦

祇知秦蜀雲棧緣秋毫不知烏蒙梯石凌黔霄偉哉造物

逞荒怪鑪韞磊塊如鎔膏煙蕤雨蝕頑不化萬古積此青
岩巖崩崖破裂走蛟虺細路詰屈愁猿獠自從莊躡震銅
鼓六詔漸見通星輅上如蝸黏下兔脫坐令人馬同疲勞
我來卻度大關嶺正值淫雨蒸炎歊洶洶怒雷轉腳底草
棘翳翳鳶鴟號徑盤之字四十八五步一折漿流散垂趾
二分儼在外失墜直恐隨狂濤輿夫狼狽僕無色我亦瑟
縮疑藏逃平生履險久已慣視此何啻九牛毛陟巖回望
渺人物但見蟻負緣蓬蒿夜來魂夢不到地飛駕時與山
雲高磨崖他日待銘勒作詩一笑聊自豪

鹽井渡鐵鎖橋用東坡東新橋詩韻

亂山連棘道巨刃摩雲霓裂爲千尺澗雁此奔雷谿經營
窮匠術坐見椽杙低何人鑄鐵索橫波貫虹隄銀鑄互鉤

連專車骨相擠至今化康莊利盡溟東西我行值暑雨出
淖容輕躋濤瀾翻脚底霧散馳千蹶惜哉碑碣缺歲月不
可稽昔聞刀墨亂聚若沙中鷲誰令失此險漸構公輪梯
滋蔓到吾蜀曳尾終塗泥齒冷及行路色變談中閨十年
風電過刀劍不復攜往來似潮汐茅店催荒雞歷劫永弗
壞詎數三石犀他年持節還慰勞看扶藜猶能學逸少輕
煤擘麝臍

李羲鈞字稚和任邛人道光庚戌進士改庶吉士授編
修歷官陝西陝安道有無近名齋詩藁

郾城和壁間韻

華髮愁潘令窮途哭阮生南風吹夢處昨夜到春明慷慨
銅琶曲淒涼錦瑟聲聲隔成底事俛仰愧時名

長爲彈鋏客不作棄繻生苦調增三疊狂歌憶四明花前
連理曲月下步虛聲往事都陳跡惟應以酒名

張椒雲前輩北山歸隱圖次韻

乞身終擬達重闕想像歸來松菊存花藥一庭收遠志圖
書萬卷付長恩可須索米從仁祖會見栽楊出義孫枌社
儻容陪近局青山把酒對開軒

答曹蕪江明府疊韻

板屋頻年賦小戎夢迴鈴索憶丁東斗箕身命奇難偶華
葉溫寒變不同歲月半消塵鞅裏勳名都付酒杯中三朝
養士成孤負畎畝空懸捧日衷

徐光第字春樞蕭山人道光庚戌進士官河南知縣有

含清堂詩存

游拈花寺有感

鳳舞龍飛下九天拈花兩字至今傳
千峯隱約危關外萬柳蕭疎落照邊
修禊幾經名士醉吐茵曾說相公賢
蓮塘花嶼今何處回首山門一惘然

初冬感事

料峭新寒透做袍撫時感觸首頻搔
禽知雪意凌晨噪樹挾風威徹夜號
豈爲乏薪燃論語直須飲酒讀離騷
近來世事渾難測莫待亡羊始補牢

登惠山絕頂望太湖

三萬六千頃蒼茫到眼前身如入圖畫
山欲化雲煙不速來孤客初嘗第二泉
何當隨范蠡快泛五湖船

登捍海塘西望杭州諸山

水天渺渺雁流哀，海國冬溫霽色開。
朔落沙痕連草沒，雲移塔影過江來。
殘山一角悲陳迹，強弩三千憶霸才。
今古滄桑凡幾易，欲因清淺問蓬萊。

題汝陽旅壁

幾日裝纜卸依然，踏雪泥言驅冀北。
馬來聽汝南雞小市，鐙初試芳原柳欲黃。
春風應笑我何事，厭山樓。

薩大年字蘭臺侯官人，道光庚戌進士。
有荔影堂詩鈔四皓墓

雲白巖青好避秦，鬚眉翻作漢功臣。
何因多事商山老，不及桃源洞裏人。

文姬歸漢圖

朔風吹雪野茫茫，一曲胡笳淚萬行。
猶勝琵琶愁出塞，李

陵臺畔月如霜

不惜千金贖蔡姝阿瞞高義古今無獨憐他日王髦劍北海何曾貫兩雛

黎學淵字仲潛號靜菴羅山人舉人官內閣中書有鐵琴書室詩鈔

秋雨

涼雲漠漠雨瀟瀟無那秋窗坐寂寥此夜不堪聞絡緯有人深悔種芭蕉關河布被驚寒擁燈火金閨帶淚挑莫唱吳孃舊詞曲憐他青鬢已曾凋

題奇女李奉貞傳

守貞得道豈騰空娘子軍來竟死忠雪甲木蘭違膝下星辰蘇蕙了胸中妖氛匝地屯黃霧雌霓經天變白虹已奉

瑤池金母勅迎歸笙鶴易遷宮

潘慎生字子春宛平籍懷甯人舉人有徵息齋遺詩

曉發蕪湖

殘笛鳩茲路銀河耿未收江帆涼近月夜水白沈樓樹出
天門曉潮生海國秋鄉園西望近歸夢滿吳頭

晚登白鶴峯亭子眺望有懷殷子徵京師

鳥道盤空霧雨懸樓臺縹緲入江煙雲開樹色分滯嶽浪
捲秋聲落海天京國飛鴻人萬里滄洲騎鶴事千年何當
共醉中山酒晞髮扶桑逐散仙

懷方存之

簾閣對春酒落花方有餘蕭蕭寒食雨寂寂子雲居香草
懷人夜青春解珮初國風終古意應自惜璠璣

寄懷朱丈伯韓侍御桂林

雪後尖風翦傲裘衝寒獨望潞河舟將詩更惹唐衢哭每
飯難消杜甫愁國士聲從名宦重諫臣書待史官收中年
好種山田豆人近蒼梧易白頭

秋夜姑孰舟中作

雲淨星河轉玉繩沙村人語夜天澂露華白滿香街屋江
影紅添水市鐙畫角秋聲千里路青山禪夢六朝僧相思
應共西城月直送寒潮下秣陵

憶存之

東風吹綠過揚子水調關珊暮雨時折柳天涯聞玉笛飛
花南國唱楊枝春山荷鍤情何限彌勒同龕願豈遲江左
清華搖落後白頭空詠四愁詩

賀祥麟字麓僑瀏陽人舉人官雲龍知州有有真意齋

詩集

詩話麓僑詩益陽湯海秋深稱之善化周荇農序其集云先生所爲詩氣體雍穆風骨整峻感來述往與奇無端不鉤章棘句以炫奇不剽竊樵蕘以貌古不塗附裝積以震博瀏陽劉良生序則謂其作吏數十年清貧如布衣尤令人想見其爲人今集中有落齒漫成一首雖似以文爲詩然頗極詼詼之趣而能不失其正洵奇作也

牛鼎歌用昌黎石鼓歌韻

鼎存豐潤學宮

岐陽石鼓置太學昌黎以後多詩歌三代法物輓近少士
縱好古將如何此鼎傳自宋金出時方講藝投干戈經始
鬻序闢榛莽長鑿大鍤相治磨神牛奮地殷發吼跡聲所
至深爬羅至寶返受俗眼白猥以培婁觀岷峨雨淋風刮
委牆角誰其朋錫珍莪阿夜深虹氣燭天紫六丁神將陰

搗呵取易筮之卦遇鼎大亨養聖詞非訛菜釋先師薦芹
藻書分孔壁文蚪蚪諸生以時入習禮旗舉翠鳳鼓建鼉
圍橋觀者億萬計光耀奚翅珊瑚柯神物位置信得所雙
丸坐看拋如梭我來溷陽印泥爪傲車羸馬行委蛇廣文
先生見如故宛舉蘭芷紉湘娥手扛龍文導我識臨風感
歎雙涕沱從來鼎象百不一圖繪博古留宣和牛鼎較大
受一斛其外羊豕難同科重五十觔高尺二銘四十字鐫
詞多商與宋與紛聚訟謬謂背腫馬卽駝商書紀事曰某
祀幾見甲乙編年過釋作宋器亦武斷盍於篆籀加剗摩
埤雅輿記逞狂喙客話漫錄沿流波問鼎不言鼎有耳應
嗤俗論皆偏頗赤文綠字自典重以古爲鑑遑知他斷斷
時代劃畛域卮言鈴說滋媿戛平生慨想天廟器觀此竟

欲干摩抄直如衡嶽對禹碣盥手捫讀長吟哦吁嗟人事
有代謝轟馳青犢飛蒼鵝金鐘大鏞委沙礫此獨寶用受
福那非有十萬天龍護安得完好離坎軻神風聖日相覆
庇不知幾劫沙恆河物之顯晦有如此側身天地徒蹉跎

九月于役鹽山卽事有作

翠蘿紅蓼點秋光小隊肩輿曉俶裝村落蕭條傷歎歲簡
書敦迫負重陽霑衣雨溼添綿重吹帽風來透鬢涼輸與
淵明歸去好東籬飽領菊花香

重過涇陽驛題壁

車走河間倏報功捷書一夜達宸宮中鄉獲醜周方叔異
姓封王郭令公鼎鼎元勳銘鐵券紛紛羣虜化沙蟲高唐
還見收遺孽翹首天山早挂弓

縵胡纓忽換南冠雲熱風寒倏改觀金鼓東行征役久玉
關西去聖恩寬兵原似火災周易令果如山撼岳難四十
餘條封事在可能都作謗書看

王守毅字懺生固始人舉人官四川知縣有後湖草堂
詩鈔

春郊

春郊到處草青青風絮隨波欲化萍野樹著花多不識荒
村有路似曾經谿迴乍覺煙生水寺近微聞塔語鈴日落
灘頭還獨立碧雲微護兩三星

答子瀟詢客中消息

北風勁中夜披衣起旁皇布衾委之去兩臂若含霜肩戶
理清燈膏盡慘無光落葉聲蕭蕭浙瀝起蒼涼初疑風雨

作又疑黃河狂憂愁恐懼懷何以慰悲傷饑鼠暗窺人腥
淚滴我裳我欲燭驅之脫兔走且僵誰知陷井鼃井幹捷
跳梁夜夜復如此我怯彼益彊所以孤客心抑鬱結中腸
我心復如何未飲已中酒我懷復如何思我同門友昔時
結同心今日各分手君獨戀故鄉我獨事奔走奔走亦何
爲四方空鬻口青襟最纏綿愛之若瓊玖長恐襤襪情與
我聚白首青青雪際松鬱鬱園中柳人生不百年憂愁居
八九送窮乞巧人畢竟是與否

涼風送歸雲幽崖委寒翠故鄉深黃葉銀鱗昨夜至牙籌
啟錦緘密蟠珍珠字讀君紙上書侈余眼中淚幾載訂心
交蔣生尤夙契誰能隔關山家事代余計上言何所爲達
余雙親意下言何所爲助余四方志賤子苟終窮負此良

友誼反覆持素書終夜若夢寐

陳世鎔字大治懷甯人舉人有求志居集

寄家書

歸雁空將信寒梅又過花恐添慈母淚不敢說思家

壬午二月朔廬州道上作

正月初隨雁北飛今朝猶未過廬肥一春風雨車中度百里家山枕上歸富貴何時頭欲白神仙有相骨應非長安已共青天遠况復三宵望紫微

山陰後馬村過周半樵留三日賦贈

偶乘剡溪興訪戴竟無違客子扁舟至主人三徑歸園葵經露滑湖蟹得霜肥不盡樽前意長懷別淚揮

董激鏡字嘯庵桐城人舉人大挑教諭有比竹集

秋居遣興

炎風禪肅氣林蟬音漸斷伏處嘒巖下坐待時物換依亭
樹影高敲窗葉聲亂百昌弗須臾附贅忽星散草薶見眞
山流涸認危岸寒蟲訴深宵哀鴻警清旦守默耽澄思趨
華屏外觀霍嶽緬崢嶸高撐出天半局促乾死螢埋頭理
書案一事差可喜籬菊秋堪玩

春夜獨坐

明月上花樹經春淡含姿娟娟此長夜流輝照羅幃對之
不能寐當戶微風吹取琴一再鼓如有江海思澄懷與古
會逸境隨神移君勿怨岑寂此意無人知

由雲梯下趨壁立巖遂循桃花澗至總巖

浮山若浮雲梗寄滄江濱坤輿闢奇祕洞壑清且眞絕頂

窺天池青光搖齋淪石理成芙蓉闕此萬古春岌岌繞雲
梯竦步趨嶙峋循巖百折下苔滑鋪綠茵蹈險學猱擲捫
石疑鱗皴梵宇何窈窕風掃無纖塵連雲旣貢巧壁立尤
趁人左旋復右轉曲徑環風輪澗道擬桃源飛流紆長紳
相將至總巖妙絕如有神石穴成蜂房玲瓏無比倫錯出
不勝指駭愕嗟奇珍厓窟象無定造作由洪鈞怪此石衆
夥萬新無一陳晨興至矚黑攀陟忘艱辛山靈應有緣我
欲問前因

何盛矩字伯方來鳳人舉人

避亂山中感懷

干戈阻絕寄山村翦紙來招亂後魂起舞聞雞呼祖述對
談捫蝨愛桓溫酒漿已罄哀東國鎖鑰誰堪付北門寄語

南來諸將帥好乘元夕奪崑崙

晚晴移詩匯卷一百五十終

晚晴簃詩匯卷一百五十一目錄

羅澤南 十五首

彭玉麈 十七首

宗室恩華 二首

舒燾 二首

潘曾璋 五首

光聰誠 五首

宗室岐元 二首

沈壽榕 六首

恩錫 三首

張岳齡 四首

李昭慶 四首

黃振河 四首

郭崙燾 二首

周星詒 六首

陳元祿 一首

管繩萊 二首

于養源 二首

謝蘭生 二首

方士儼 八首

邵詠 一首

沈世良 五首

聶節亨 三首

林鶚 一首

林用霖 二首

汪錫珪 三首

錢辰 三首

萬同倫 三首

張仁架 一首

張謙 一首

方玉潤 四首

徐鴻謨 二首

顧遜之 一首

韓崇 三首

錢壽昌 二首

鄭襄 二首